



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. XV. Alia argumenta solvuntur

[urn:nbn:de:hbz:466:1-78232](#)

qu. s. ponit distinctionem inter hæc tria, voluntatem induci, immutari, & cogi, & dicit quod voluntas induci potest ab agente creato, mutari vero ab alio non potest, nisi ab agente increato, cogi vero ab aliquo non potest.

§. X V.

Alia argumenta solvuntur.

149 **O**RICIR insuper Adversarius disp. 1. sect.

4. Ex D. Thoma i. p. qu. 82. art. 2. ad 2. Movens ex necessitate causat motum, quando mobile omnino illi subditur: At nihil frequentius asseverant Thomistæ, quām motionem physicè præterminantem, perfectissimè sibi subjicere voluntatem, scilicet ut ne quoad usum quidem voluntas sibi motionem illam subjiciat: Ergo motio prædeterminans de necessitate causat motum seu actum voluntatis.

150 Confirmatur primò: Idem S. Doctor ibidem qu. 83. art. 1. ad 5. docet quod dispositiones quæ sunt in voluntate non tollunt libertatem, quia subjacent judicio rationis: Sed motio prædeterminans non subiacet judicio rationis, nec est in potestate voluntatis eam habere, vel habitam repellere: Ergo tollit libertatem.

151 Confirmatur secundò: D. Thomas qu. 22. de verit. art. 6. in corp. ait: *Ex hoc aliquid dicitur necessarium, quod est immutabiliter determinatum ad unum;* & qu. 6. de malo art. unico docet non esse liberum, quod voluntas vitare non potest: At ratione prædeterminationis voluntas immutabiliter determinatur ad unum, actusque redditur ab ipsa inevitabilis: Ergo per illam voluntas necessitatibus.

152 Confirmatur tertio: Idem S. Doctor ibidem ita necessitatem à voluntate excludit, ut velit voluntatem, etià Deo motam, adhuc manere indifferentem, & indeterminatam ad agendum vel non agendum, ait enim: *Cum Deus omnia moveat secundum conditionem mobilium, ut levias sursum, & gravia deorsum, etiam voluntatem movet secundum ejus conditionem, non ut ex necessitate, sed ut indeterminatè se habentem ad multa.* Consequenter ergo rejicit eam sententiam, quæ docet voluntatem per motionem divinam determinari ad unam partem.

153 Ad objectionem respondeo, mōvens ex necessitate causare motum, quando ita sibi subjicit mobile, ut in eo non relinquit potentiam ad oppositum, secùs vero si relinquit in mobili possibilitem ad oppositum, eamque sovet & conservet: motio autem prædeterminans, juxta Thomistas, sic moveret voluntatem ad unum, quod relinquit possibilitem ad oppositum; & ita licet in infinitum excedat capacitatem voluntatis, & illam quantum ad applicationem & usum efficaciter sibi subjiciat, eam tamen ex necessitate non movet, sed per modum liberi, ut Docet D. Thomas locis supra citatis, præsertim i. p. qu. 83. art. 1. ad 3.

Addo quod, licet motio divina ex parte causæ in infinitum excedat capacitatem voluntatis, quia est effluxus à prima causa, & quædam divina omnipotentiæ participatio, ex parte tamen actus & objecti ad quod terminatur, non adæquat totam voluntatis capacitatem, quia illam non movet & applicat ad universale bonum, quod est adæquatum illius objectum, sed solum ad quædam bona particularia, quæ sunt ejus ob-

jecta inadæquata & partialia: unde licet entitative non subdatur libero arbitrio, terminative tamen ei subicitur: nam actus, & objectum ad quod terminatur, voluntati omnino subduntur; quia, ut dixi, voluntas, prout subest divine motioni, retinet potentiam ad non eliciendum, vel suspendendum actum, ad quem moveretur, & ad non eligendum seu respondendum objectum quod prosequitur.

Ad primam confirmationem respondeo, optimè dicere S. Thomam, quod qualitates, quæ subjacent judicio rationis & voluntati, non auferunt libertatem: inde tamen non licet inferre, qualitates omnes quæ antecedunt voluntatem, & judicio rationis non subjacent, tollere libertatem; maxime si proveniant à prima causa & radice libertatis, & ad hoc dentur, ut voluntas se liberè determinet, suam quilibetatem exercet, & de actu primo ad secundum reducat; ut variis exemplis declaravimus in tractatu de prædestinatione, exponendo concordiam libertatis cum divina providentia & prædestinatione. Unde cùm motio prædeterminans sit quidam effluxus à primo libero, & à prima ratione libertatis & contingentiæ radice (infinita scilicet divinæ voluntatis efficacia) procedat; ac liberam nostræ voluntatis determinationem, per modum causa seu principiū actualis, prioritate naturæ antecedat; licet judicio rationis & voluntatis non subjaceat, ejus tamen libertatem non tollit, aut lădit, sed fovet, conservat, & perficit: imò repugnat, eā sublata, dari utrum & exercitium actuale libertatis, ut ibidem demonstravimus. Unde.

Ad secundam confirmationem dicatur, D. vum Thomam solum velle, illud esse necessarium, quod est immutabiliter determinatum ad unum per modum naturæ, id est sine indifferentia objectiva judicii, & possibilitate ad oppositum; quo pacto voluntas h̄c in via determinatur ad bonum in communi, & in patria ad bonitatem divinam clarè visam; non vero si illud determinetur immutabiliter ad unum per modum liberi, seu cum indifferentia objectiva judicii, & possibilitate ad oppositum, sicut voluntas ad suos actus liberos per divinam motionem immutabiliter determinatur. Quare idem S. Doctor, qu. 6. de malo art. unico ad 3. sic ait: *animilia bruta moventur per instinctum superioris agentis ad aliquid determinatum, secundum modum forma particularis, cuius conceptionem sequitur appetitus sensitivus: sed Deus movet quidem immutabiliter voluntatem, propter efficaciam virtutis moventis, quæ dicitur non potest; sed propter naturam voluntatis motu, quæ indifferenter se habet ad diversa, non inducit nec stat, sed manet libertas.* Unde quidam ibidem in corpore articuli docet non esse liberum quod voluntas vitare non potest, hoc intelligendum est de eo, quod voluntas vitare non potest, nec in sensu composito, nec in sensu diviso, non autem negat esse liberum, quod etià voluntas non potest vitare in sensu composito, & potentia consequenti, potest tamen vitare in sensu diviso, & potentia antecedentia. Nam ut ipse ait in i. ad Annibaldum supra citato: *Quamvis contrarium ejus quod est voluntum à Deo, non posset stare cum voluntate divina, possit tamen ad contrarium potest stare cum ea, propter contingentiæ causa media;* & hoc sufficit ad hoc utroque effectus sit contingens, & non necessarius. Quamdoctrinam & subtilem distinctionem non valens com-

DE MODO QUO VOLUNTAS MOVETUR.

175

comprehendere Adversarius, illam irridet & suggestum, ironice exclamans: *Verum quis acutam hanc distinctionem capiat? Nam quid precor aliud est voluntatem cum omnibus præquisitiis posse non operari, quam eam posse ponere carentiam operationis?* Quis inter ista vel minimam distinctionem adverterat? Sed, ut per bellum ait Sylvius in opusculo de primo motore, qui hanc distinctionem derident, deberent potius ignorantiam suam deflere: nam ut testatur D. Thomas qu. 6. de verit. art. 4 ad 8. *hac distinctione ita celebris est & antiqua, ut ea uariorum omnes antiqui Theologi ad conciliandam libertatem cum divina providentia & prædestinatione: Dicitur communiter (inquit) quod hoc: Deus potest non prædestinatum prædeterminare, in sensu composito, in diviso re: & ideo omnes locutiones illæ, que sensum compositionis implicant, sunt falsa simpliciter.* Item Venerabilis Beda in axiomatibus philosophicis ex Axiatore collectis, littera O, sic habet: *Omnia futura de necessitate evenient 1. Periherm. Num est in sensu composito, non autem in sensu diviso: vel verum est ex hypothesi, non autem simpli- cetur. Sicut ergo ad libertatem non requiritur, quod dum aliquis auctu operatur, possit non operari in sensu composito, seu componere & conjungere carentiam operationis cum ipsa operatione (hoc enim manifestam implicat conditionem) sed sufficit quod toto tempore quo operatur, retineat absolute non agendi potentiam. Ita similiter nos dicimus, ad libertatem non requiri, quod voluntas cum præquisitiis ad agendum, prioritate tantum causalitatis & naturæ (qualia sunt concursus prævius, & gratia prædeterminans) possit negationem actionis componere: quia cum ea qua secundum ordinem naturæ tantum prærequiruntur ad agendum, sicut simul cum actu (prioritas enim naturæ est solùm prioritas causalitatis & instantis à quo, non vero prioritas temporis & instantis in quo) si posset negationem actionis cum illis componere, posset non auctum cum actu, & formam cum eius carentia conjungere. Sufficit ergo ad libertatem, quod cum illis præquisitis & simul potentia ad non operandum, seu quod voluntas, ut statim motione prædeterminante, retineat absolutam dissentientem vel non operandi potentiam; quamvis cum ea actualis carentia operationis simul esse non possit; ut fuisse ostendimus, ac variis exemplis declaravimus in tractatu de prædestinatione, exponendo conditio libratatis cum divina providentia & prædestinatione.*

Ad tertiam confirmationem, respondeo D. Thomam loco citato solùm velle, quod cum Deus moveat voluntatem secundum ejus conditionem & naturam, ita illam moveat, ut tamen ex necessitate non moveatur, sed maneat indifferens, non indifferentia potentiali & suspensiva (repugnat enim voluntatem efficaciter moveri ad agendum, & tamen remanere in media potentia, indeterminatione, ac suspensione) sed indifferentia auctuali & positiva: quia ita illam moveat, ut sub divina motione semper retineat dissentientem potentiam, seu tendenti in alia objecta & bona particularia; & ideo dicit, quod Deus illam moveat ut indeterminate se habentem ad multa: non dixit, ad omnia, sed ad multa, quia per divinam motionem determinatur ad unum, vel ad plura, & indeterminate se habet ad alia.

A Objicit rursus Adversarius sect. 9. & 10. 157

plura S. Thomas testimonia, quibus afferit, nos posse resistere divinæ gratiae, eamque repudiare. Nam quodlib. 1. art. 7. ad 2. ait: *Sic Deus moveat mentem humanam ad bonum, quod tamen potest huic motioni resistere: At si mortis divina prædeterminaret physicæ voluntatem nostram ad opus bonum, non posset voluntas illi resistere; repugnat enim talem motionem carere effectu, seu quod voluntas illi resistat: Ergo juxta D. Thomam, motionis divina non prædeterminat physicæ voluntatem nostram ad bonum.*

Confirmatur: idem S. Doctor 1. p. quæst. 62. art. 3. ad 2. dicit quod *inclinatio gratiae non imponit necessitatem; sed habens gratiam potest ea non uti & peccare.* Et quæst. 63. art. 7. ad 3.

Quantumcumque, inquit, inclinatio ad bonum fuerit in supremo Angelo, tamen einecessitatem non inducebat: unde potuit per liberum arbitrium eam non sequi. Item 1. 2. quæst. 106. art. 2. ad 2. afferit quod *gratia novi testamenti, nisi adjuvet hominem ad non peccandum, non tamen ita confirmat in bono, ut homo peccare non possit; hoc enim pertinet ad statum glorie: & ideo si quis post acceptam gratiam novi testamenti peccaverit, majori pena dignus est, tanquam majoribus beneficiis ingratius, & auxilio sibi dato non utens.* Hac autem cum sententia prædeterminationis physicae minime cohæterevidetur: *Tum quia gratia physicæ prædeterminans videatur imponere necessitatem ad bonum, subindeque reddere voluntatem impeccabilem: Tum etiam, quia voluntas non potest illa utili; cum illa non subdatur libero arbitrio, quantum ad efficaciam & usum, sed potius illud sibi subjiciat & applicet ad operandum: Ergo hæc sententia à mente & doctrina S. Thomæ penitus aliena videtur.*

Confirmatur amplius: Idem S. Doctor Angelicus 1. 2. quæst. 68. art. 1. agens de donis Spiritus Sancti, docet hominem per illa rectè dicta, ut efficiatur promptè mobilis ab inspiratione divina, seu ut bene sequatur instinctum Spiritus Sancti:

Si autem quando homo moveatur efficiatur ad aliquem actum, ista motio adeò potens est, ut ex se omnem quantumlibet intentionem passi resistentiam superet, ut quid opus est dona quadam & supernaturalia subsidia, quibus disponatur ad facilius sequendam inspirationem divinam, ipsi infundi. Quasi vero agentia creatæ egeant aliquæ præparatione ad ea facienda, quæ non possunt non agere, etiam si nulla talis præparatio adsit. Sancte risu dignus ille forer, qui supponens hominem, potius solâ visione Dei, non posse Deum non diligere, exigere nichilominus præviā quandam præparationem, quæ homo Deum videntis, facilius transferret moveri ad ejusmodi amorem. Neque minus rideundus esset S. Doctor, si existimans hominem, solâ gratiâ efficaci posita in illius voluntate, non posse non consentire illius promotioni, adhuc exigere magnum illum apparatum donorum Spiritus Sancti, tanquam præviā dispositionem necessariam ad consentium cum majori facilitate edendum. Ita Petrus à S. Joseph disp. 1. sect. 9.

Verum hæc nullius sunt ponderis, & facile dilui possunt. Ad argumentum ergo respondeo, hominem cuicunque motioni divina posse resistere seu dissentire, cum hoc tamen discrimine, quod motioni pure excitanti, & præbenti auxilium tantum sufficiens, homo potest resistere tam

ram in sensu composito, quam diviso, & non solum potentia antecedenti, sed etiam consequenti; immo de facto sapere voluntas huic motioni resistit, eamque abicit ac repudiat, seu privat effectu ad quem ultimod ordinatur: motioni vero physice prævenienti, & præbenti efficaciam auxilium, voluntas nunquam de facto resistit, nec potest illi resistere in sensu composito, & potentia consequenti, sed solum potentia antecedenti, & in sensu diviso. Quare S. Thomas in hac quest. 10. art. 4. ad 3. Si Deus (inquit) movet voluntatem ad aliquid, impossibile est ponere voluntas ad illud non moveatur, non tamen est impossibile simpliciter. Et qu. 12. art. 3. in corp. Si ex intentione Dei movens est, quod homo, cuius cor movet, gratiam consequatur, infallibiliter eam consequitur. Item quodlib. 12. art. 3 docet quod predefinatio habet certitudinem ex parte scientie Dei, que non potest falli, & ex parte voluntatis divina, cui non potest aliquid resistere. Unde potest fieri hoc argumentum in favorem nostræ sententiae. Non solum S. Thomas, sed etiam Scriptura, Concilia, & SS. Patres, interdum afferunt divinæ voluntati, vel Spiritui Sancto, & motioni ejus posse resistere, & interdum ipsi de facto resisti; ut patet Auct. 6. Vos semper Spiritui Sancto resistitis: Et in Concilio Senonensi dicitur, non tale esse Dei auxilium, cui resisti non possit: Item Innocentius X. in nova constitutione hanc propositionem tanquam hereticam proscriptis: Interiori gratia in statu natura lapsa nunquam resistitur. Aliunde vero eadem Scriptura sapere afferit neminem resistere voluntati Dei, ut Genes. 50. Esther 13. ad Roman. 9. & D. Augustinus frequenter docet gratiam à nullo duro corde respuit, eamque invictissime, insuperabiliter, & indeclinabiliter mouere voluntatem: Item D. Thomas ait, quod si Deus movet voluntatem ad aliquid, impossibile est ponere voluntas ad illud non moveatur. Ut ergo hæc testimonia inter se concilientur, duplex motio admittenda est, una moraliter tantum excitans, vel præbens auxilium tantum sufficiens, cui voluntas potest resistere, & de facto resisti; altera physice præveniens, & præbens auxilium efficax, cui nunquam resistitur: vel recurrentem est ad distinctionem sensu composito & diviso, seu potentia antecedenti & consequenti; & dicendum voluntatem posse resistere divinæ motioni, potentiam antecedenti, & in sensu diviso, non tamen potentiam consequenti, & in sensu composito.

Addo quod, si argumentum desunprum ex possibiliitate resistendi gratia, effet efficax, non tantum militaret contra gratiam prædeterminantem, sed etiam contra gratiam congruam: Suarez enim lib. 5. de auxil. cap. 39. docet gratia congrua, ut tali, nunquam resisti; quia sub hac formalitate est efficax, & infallibiliter infert consensum.

161 Ad primam confirmationem respondeo D. Thomam locis citatis expresse loqui de gratia sanctificante, quæ cum habeat rationem habitus & formæ permanentis, libero arbitrio subditur, quantum ad usum; habitibus enim utimur quando volumus: quare illa in statu viæ non ita confirmat hominem in bono, ut peccare non possit; sed hoc pertinet ad statum patriæ, in quo erit consummata per gloriam Dei visionem, & amorem beatitudinem. Cæterum gratia actualis, cum detur per modum motionis

A & impulsus, nechabeat rationem habitus, sed auxili transiuntis, non subditur libero arbitrio quantum ad efficaciam & usum; sed potius, Iud sibi potenter & suaviter subjicit, movendo & applicando ipsum conformiter ad ejus natum & conditionem, nimur sub indifferente objectiva judicii, & relinquendo potentiam ad oppositum: unde licet illa efficaciter & infallibiliter determinet voluntatem ad bonum, non tamen infert ipsi violentiam, nec abulet, sed adolet liberum arbitrium, ut ait Propter sent. 51. in resp. ad cap. Gallorum: Artingi enim affectus usque ad finem fortiter, & disponit omnia suavitate, ut dicitur Sapient. 8. Et idem recte dixit S. Thomas hic qu. 10. art. 4. Deum ita move re voluntatem nostram, ut non ex necessitate illam ad unum determinet. Quibus verbis tandem abest quod sententiam nostram proscribat, ut existimat Adversarii, quin potius aperi illi faciet: nam sicut ille qui diceret: Petrus non carrit velociter: non negaret illum currere, sed solum currere tali modo, id est properè & cum velocitate, ita similiter S. Doctor assens Deum non determinare ex necessitate voluntatem ad unum, non negat prædeterminationem voluntatis ad unum, sed potius illam statut & firmat, solumq; necessitatem absolutam libertati contraria illa excludit, & per eam inducit negat. Unde, ut supra §. 2. vidimus, Damascenum afferentem Deum ea quæ sunt à nobis præfocere, non tamen prædeterminare, ita exponendum esse dicit, ut intelligatur, ea quæ sunt in nobis, divina determinationi non esse subjecta, quasi ab ea necessitatem accipientia.

Ad secundam confirmationem dicendum, quod licet motio prædeterminans sit efficacissima, & adeo potens ut omnem voluntatis resistentiam sine illa plane difficultate supereret, nihilominus recte docet D. Thomas, ponendisse in homine dona Spiritus Sancti, quibus disponatur ad promptè & faciliter sequendam motionem divinam, ut discirridet S. Doctor 2. 2. qu. 23. art. 2. his verbis: Optime quod sic voluntas moveatur à Spiritu Santo, quod etiam ipsa sit efficiens actum suum. Nullus autem actus perfectè productetur ab aliqua potentia alia, nisi sit ei conaturalis per aliquam formam, quæ principium actionis: unde Deus, qui omnia moveat debitos fines, singulis rebus inducit formas, per quae inclinantur ad fines sibi præstitutos à Deo; & secundum hoc disponit omnia suavitate, ut dicitur Sapient. 8. Ni ergo aliqua forma superaddita naturali potentia fer quam inclinareret ad dilectionis actum, effet actus iste imperfectior actibus naturalibus, & actibus aliarum virtutum, nec effet facile & delectabilis..... Vnde necesse est quod ad actum E charitatis in nobis existat aliqua habitualis forma superaddita potentia naturali, inclinans ipsam ad charitatis actum, & faciens eam promptè & delectabiliter operari. Quod D. Thomas dixit de habitu charitatis, idem cum proportione dicendum est de donis Spiritus Sancti, qui sunt quidam habitus infusi, quibus homo perficitur ad promptè obediendum Spiritui Sancto, ut ait idem S. Doctor infra qu. 68. att. 3. Licet enim Spiritus Sanctus possit sine illa plane difficultate & resistentia mouere mentem hominis ad quodcumque voluerit (habent enim) inquit Augustinus, cordum inclinandorum omnipotentissimam potestatem, magisque in potestate voluntates hominum, quam ipsi homines)

DE MODO QUO VOLUNTAS MOVETUR.

177

nes) nihilominus quia mens hominis non est solam mota a Spiritu Sancto, sed etiam seipsum moveat, actus supernaturales elicendo, ut suaviter & connaturaliter moveatur, debet donis Spiritus Sancti perfici. Unde S. Thomas loco proxime citato sibi hoc argumentum objicit: *Dona spiritus Sancti perficiunt hominem, secundum quod agit a Spiritu Dei: Sed in quantum homo agitur a spiritu Dei, se habet quodammodo ut instrumentum respectu ejus; non autem convenient ut instrumentum perficiatur per habitum, sed principale agens: Ergo dona spiritus Sancti non sunt habitus.* Cui argumento sic respondet: *Ad secundum dicendum, quod rati illa procedit de instrumento cuius non est agere, sed solum agi: tale autem instrumentum non est homo, sed sicut agitur a Spiritu Sancto, quod etiam agit, in quantum est liber arbitrii, unde indiget habitu.*

Potestque hec responsio & doctrina confirmari ex eo quod in Christo, & in Beatis sunt dona Spiritus Sancti, ut de Christo docet S. Thomas 3. p. qu. 7. art. 5. & de Beatis 1. 2. qu. 68. art. 6. & tamen certum est quod Christus, & Beati, nec resiliunt, nec resistere possunt Spiritui Sancto, seu non consentire ejus motioni, alioquin peccare possent: Ergo ex eo quod voluntas nostra non possit resistere in sensu composito, seu potentia consequenti, gratia prædeterminanti, non potest inferi. Advertamus, inutiliter ponit in anima magnum illum apparatus donorum spiritus Sancti. Quod potest etiam exemplo quoque patitur declarari. Nam certum est ex data Dei visione necessarium dimanare amorem beatificum, & Beatos, tam quoad specificationem, quam quoad exercitium, ad diligendum Deum necessitari, & tamen hoc non obstante ponitur habitus charitatis in ipsorum voluntate, ut faciat illam connaturaliter & delectabiliter operari: Ergo a fortiori in nobis viatoribus ponendi sunt habitus infusi, & dona Spiritus Sancti, ut prompte, delectabiliter, & connaturaliter operemur, quamvis illius motio ita sit potens & efficax, ut omnem voluntatem nostram resistentiam supererit, & effectum quem intendit, infallibiliter inferat.

Alia Adversarii argumenta futile sunt, nec indigen solutione: supponunt enim & non probant, gratiam prædeterminante necessitare voluntatem, illaque semel posita in voluntate, ipsam non posse non agere, aut illi dissentire, relaxatum oppositum ponere, aut eam non uti: quae omnia, ut patet ex iam dictis, a mente, & doctrina Thomistarum penitus aliena sunt, inquit ab ipsius damnantur tanquam haeretica. Unde iste Author inutiliter laboravit, & oleum ac operam luit, dum exillis falsis principiis, aut ex perversa & erronea, quam sibi finxit, vel ex Neoterorum fontibus hausit, sensus compositi & divisi intelligentia, tot argumenta multiplicavit.

Mitro etiam ea que objicit contra prædeterminationem ad materiale peccati, seu ad entitatem que malitia moraliter substermitur: quia in tractatu de voluntate Dei hæc difficultas exactè diculla est. Argumenta vero que procedunt ex lege libertatis, in tractatu de prædestinatione plenissimè & clarissimè soluta sunt, agendo de concordia libertatis cum divina providentia & prædestinatione. Quare solùm hic restat dilucidum quod objicit Adversarius secundum antiquiores & præstantiores D. Thomæ discipulos, ut Capreolum, Ferrariensem,

A Cajetanum, Sotum, physicam prædeterminationem excludere; ac breviter demonstrandum quatuor illos Doctores, qui Thomistarum principes merito possunt appellari, apertissimè nostra favere sententia. Unde sit.

§. XVI.

Ostenditur antiquiores Thomistas docuisse prædeterminationem physicam.

Vix potest revocari in dubium, an Capreolus & Ferrariensis, antiquissimi D. Thomæ Discipuli, administerint prædeterminationem physicam. Id enim in primis de Ferrariensi fatetur Suarez lib. 3. de auxil. cap. 29. num. 4. & manifestum est ex verbis sequentibus qua ibidem habet: *Circa hanc propositionem: superior agens dat inferiori agenti virtutem per quam agit, vel conservat eam, vel applicat ad agendum: advertendum ex doctrina D. Thoma de potentia qu. 3. art. 7. quod duplex vis ad agendum rebus creatiū inest dū agunt, una est forma habens esse firmum & ratum in natura, per quam agunt tanquam proprii & naturali virtute, alia est vis, qua est intentio sola virtutis divine, habens esse incompletum per modum quod colores sunt in aere, & virtus artis in instrumento: & ista vis non convenient rebus, nisi quando actualiter operantur & agunt, tanquam divina virtutis instrumenta: sicut & virtus artis non remaneat in instrumento, nisi quando ipso utitur artifex ad operationem artis. Deus ergo dat rebus naturalibus utramque virtutem, sed secundam tantum illis communicat dum eas ad operationem applicat: idem dixit S. Thomas, quod superior agens dat inferiori agenti virtutem per quam agat, & conservat eam, quod pertinet ad primam virtutem, vel applicat ad agendum, quod per secundam efficitur. Quo nihil clarius & expreßius in favore nostræ sententiae dici potest: nomine enim physice prædeterminationis nihil aliud intelligimus, quam virtutem quandam fluentem & transuentem, ac se habentem per modum motionis & impulsus, quam Deus tribuit causis secundis prius natura quam operentur, & quæ mediante eas ad determinatos actus elicendos applicat, subinde que physicæ præmoveat ac prædeterminat.*

Hanc etiam vim applicantem causas secundas ad agendum agnoscit Capreolus in 2. dist. 1. qu. 2. ubi eandem doctrinam tradit, & articulum 7. supra citatum ex D. Thoma qu. 3. de potentia ferè de verbo ad verbum transcribit. Similiter dist. 28. ad 12. ait: *Voluntas non causat, nisi applicatur, & quasi instrumentaliter mota a Deo.* Unde Comimbricensis loco supra paragrapho 5. relato, aperte fatetur, D. Thomam, Capreolum, & Ferrariensem, pro nostra stare sententia, dicunt enim: *Circa modum quo Deus cum causis secundis ad earum operationes & effecta concurrit, se offert celebris opinio D. THOMÆ CAPREOLI, FERRARIENSIS, &c. Item Conradus antiquus Thomista 1. 2. super qu. 109. art. 9. motionem divinam ponit conservativam & applicativam ad operandum: & super qu. 112. artic. 3. versic. Nota secundo, eandem doctrinam explicat. Unde solùm potest esse dubitum de mente Caietani, & Dominici Soto, clarissimorum Thomistarum. Caietanus enim i.p. qu. 19. art. 8. ait: *Cum dicitur causam secundam moveri a prima, hoc intelligendum est, non de motione prævia, sed de motione intrinsecè co-**

Z perativa